

Өвс хадлгънд болн малин хот белдлгънд кегдджэх соцдөрлдәнә тускар

Хальмг тангъчин партийн организацин оргбюрон болн
күч-көлсчирин депутатирин тангъчин Советин
күцэгч комитетин тогтавр

Тангъчин колхозмудар, МТС-р болн совхозмудар өвс болн малин хот белдлгънд кегддж йовх социалистическ дөрлдәнә йовудин туск төрмүд халлагъд, июль сарин 1-г шинәс авн 10-н күртл өвс хуралгънд, өвс белдлгънә зурагъан 19,7 процент күцэгъд, 10 хонгин эргцд өвс хадлгъар 25 процент, өвс скирдлгъар 47 процент өслт өгсн Яшкульск района совхозмуд (КПСС-н райкомин сеглätрнә үр Каргин, района күцэгч комитетин ахлачнә үр Азыдов) сән ашмуд күццхäv гидж тангъчин партийн организацин оргбюро болн тангъчин Советин күцэгч комитет темдглджәнә.

Тангъчар өвс белдлгън муугъар кегддж йовна, хадгдсн өвсн дегд хашнъгар скирдлгдәд, тегд хагсад, чинрән геедж бәәнә гидж бас оргбюро болн тангъчин күцэгч комитет темдглджәнә.

Өвс белдлгънә зурагъан зуг 5,2 процент күцәчкәд, дакад скирд кедж оваллгъар 22 минъгън гектар газрт үлддж йовх Элст балгъсна колхозмудар болн савхозмудар (КПСС-н балгъсна комитетин сеглätрнә үр Трубицын, балгъсна күцэгч комитетин ахлачнә үр Джимбинов), өвс белдлгънә зурагъан 8,1 процент күцәчкәд, хадсн өвснәннә 45 процентинә эс скирдсн Юстинск района совхозмудар (КПСС-н райкомин сеглätрнә үр Лиджи-Гаряев, района күцэгч комитет-

ин ахлачнә үр Шилов) өвс белдлгънә болн скирдлдж хуралгъна кәдлмш дегд татугъар йовдж йовна. Хадгдсн өвснә 38 процентнә баалдан кевтәд үрджәх Сарпинск район хадсн өвсән скирд тәвдж хуралгъарн ик гидгәр үлддж йовна (КПСС-н райкомин сеглätрнә үр Войнов, района күцэгч комитетин ахлачнә үр Костин).

Оргбюро болн тангъчин күцэгч комитет тогтаджана:

1. Өвс белдлгънд сән үзмдж күцәсн төләднә, КПСС-н тангъчин комитетин болн тангъчин күцэгч комитетин Улан тугиг Яшкульск районд өгхмн.

2. КПСС-н Элст балгъсна, Юстинск, Сарпинск райодин комитетсин сеглätрмүдт, балгъсна болн райодин күцэгч комитетсин ахлачнрт (үүрмүд Трубицынд, Лиджи-Гаряевд, Войновд, Джимбиновд, Шиловд, Костинд) өвс белдлгъар дегд татг гардвр өгч йовхинә заахмн.

3. Өвс хадлгънд болн өвс белдлгънд бүрдәмджин кәдлмшән чангъгәд, хадлгън болн скирдлгън хоорнд гарч йовх таслврит уурулдж, цуг соломан хурадж авч, малин хотиг малин үвлзнгүр зөблгъ тетгхин төлә цугтагъинә кетхә гидж КПСС-н балгъсна комитетд, райодин комитетсд болн күч-көлсчирин депутатирин балгъсна болн райодин Советсин күцэгч комитетсд закхмн.

Н. ЖЕЗЛОВ.

Хальмг тангъчин партийн организацин оргбюрон сеглätр.

Д. УТНАСУНОВ.

Хальмг тангъчин күцэгч комитетин ахлач.